

打動綺雲心坎之警策語耳。綺雲以書示母曰：此一百分之愛情成績表也。多情如何？郎蔑以加矣。於是何朱兩姓之姻緣，賴此一封信而立時牌合。

銀河誓密金縷情深，夢霞與綺雲鸚鵡。今而後喜可知也。此一幅百分愛情成績表，綺雲襲以文錦，繫以朱絲，貯以旃檀之匣，留為甜蜜之紀念品。然而情場失敗之蕭錦士，平生希望悉成泡影，則鬱鬱致疾，幾以是殞其軀。歷半載而始起，父母慮錦士重為情絲所縛，不能擺脫，則亟為之訂婚授室。所娶婦亦娟娟可愛，特稍遜於綺雲耳。定情之夕，錦士謂婦曰：吾向掬满腔愛忱以贈綺雲，而綺雲不我受。今則已矣，吾當移愛雲之心以愛卿。婦笑應曰：諾。忽忽三四年，伉儷之情有加無已。人皆謂蕭錦士真情種也，而夢霞與綺雲何如者？

什襲而藏之，愛情成績表封識猶新。而夢霞之態度則大變，新婚甫半載，又以其情書之副本嘗試於他女郎。蓋夢霞實一登徒子，得新忘舊，是其長技。盈篇累牘之情愛語，尤其尋芳獵豔之利器也。傷哉綺雲，試金石之眼光，乃誤賞此贗鼎，忍至萬無可忍。雙方律師宣告離異，綺雲乃依母家以終老。騰沸如瀦之愛情，永永化為冰塊，因投昔日夢霞乞婚書於爐火，曰：此毒柬也。儂之一生幸福，為此束茶毒盡矣。須臾爐中縷縷起青煙，而此一幅百分愛情成績表，乃立化為灰燼。



偵探小說

鄭逸梅

著者曰：予友薩司倍痕脫醫士也。素負時譽，齒尊學亦淹博，足稱醫界泰斗。常據科學理，診斷各症，百無一謬。盛名洵非倖得。



者予偶憶其一事。足爲予小說資料。諺云。醫生乃最有力之偵探。諸君觀於此而益信矣。

倍痕脫之室。潔淨軒暢。而陳設殊艸艸兩側之旋轉書架。如龍蟠虎踞。中爲寫字檯。倍座在焉。倍時埋首窗下。着青色外衣。舊且色褪矣。然其襪及裏衣。皆絲織品。異常整潔。鬚時加梳理。手更柔潤。雖雪茄不離手。而無纖纖之黃迹。

予一日造訪。倍方持午報讀。見予至。起而寒暄。無何。戶外剝啄聲急。珈麗女士雲髮覆額。導葛時羅踰入。葛性和善。人咸樂與交。有口才。滔滔如懸河。今頓變其常態。口緘眉蹙。若有無限苦楚。露於容。倍發沈濁之聲。持報示葛曰。奇……奇……汝用烈劑藥人乎。葛面色更灰白。曰。予僅用甘汞一次。量極微。而彼竟一病如此。茲竟在法庭控我以不正當治療之罪。倍凝視葛。不瞬口。翕動噴雪。茄煙作圈。上騰曰。盍將詳情告我。汝何用甘汞。葛曰。病者名彼得。彼得爲長島（紐約左近）巨族。生長於此。居於一古屋中。性孤僻。厭與世俗相酬酢。杜門謝客。垂三十年。日前罹病。始延予去。彼塊然獨處。無看護者。又無婢僕爲之治膳。據人云。彼積資甚富。守錢虜也。無親戚。惟一表弟與彼頗相得。然予去診。亦未一見其表弟也。

予之往診。屈指已十日。彼患腹痛。心作惡。欲嘔其首。及四肢均震顫不止。予察其病狀。以甘汞攻之。爲最宜。翌日病反加劇。牙根作奇痛。牙搖搖欲落。身震顫類癱症。形容益顛。厥狀殊可慮。恐不久於人世。伊病加劇。遂謂我投甘汞所致。故詣法庭。以控葛言。訖其眉更緊蹙。倍素愛葛。亦垂首凝思。深爲懍懍。既而忽起立。謂珈麗曰。予衣及車在乎……外邊療病室中有幾人。曰。僅五有病。急者乎。曰。無倍笑曰。甚佳。告渠等於明日來。予與葛皆面露喜色。蓋倍此行必有功也。俄珈麗衣倍以灰色衣。戴巨帽。帽緣下垂。覆於眼。兩手插衣袋中。偕予等昂然出車。已在外穿號衣之卒。侍於側。遂魚貫上車。

倍高坐車。隅背倚牕。手持報紙。讀吸雪茄。如故。既而曰。五時可抵其地。診畢。約七時同詣尊居。勞夫人備晚餐。何如。言時目視葛。葛領首慘然曰。他姑勿論。現病者非瑞德。不知作何狀。心殊惓惓。倍曰。毋懼。予忖非之病。或係失血症。從未聞用一次甘汞。



而其毒能致人死者

車聲磷磷行老屋突然現目前屋式殊古蕪葛縈牆縱橫濃密柱也廊也木紋多縐裂鬆漆起泡如魚鱗門環作深綠色蓋受風雨之浸蝕歷年久矣石階亦斷缺拾級而叩門尋聞履聲細緩了烏丁丁響則顛悴可憐之非瑞德已儼然出其唇乾燥顫聲曰誰有何事煩我舉首見葛厲聲叱曰去門欲闔矣葛曰翁姑納予延名醫在診翁病也非色稍霽曰名醫來良佳倍即慰以善語予等遂入客廳廳黑暗地無氈家用什物充牣其中椅披坐褥皆爲馬鬣製者非出言殊狡猾處處露吝嗇態倍答之盡禮既而引予等至招待室伊以爲極宏麗者桷椽爲椽木而飾以綵今則黑色氈氈蛛網密布矣壁根裝以板今則釘頭磷磷破頽且穴鼠矣室中陳設多古舊有蠹陋之書架及柚木製之碗櫥等黑檀之桌其足細長面嵌珍物惜油壺及未經洗濯之碗碟雜亂堆其上再入卽爲臥室幽黑如入地獄令人窒息牕又緊閉且下厚幙倍不憚煩手關窗不動視之已加釘乃取一爪鉗去之而窗遂洞開室中日光爛朗空氣頓清爽數年以來茲爲第一遭也第塵埃層積被陽光所照均星星呈目前非衣冠襤褸自覺形穢愈局促不安急取敗布蘸盆中污水略加揩拭非之形態言之殊堪發噓身偃偻唾液下垂如玉筋肩削而頭常欹於一側面尖長眼深陷而小唇厚如皮質譚笑間黃牙斑斑臭氣薰人身穿一舊長之外套色青袖短僅掩其肘內穿古式硬胸衫衫無領但頸邊有奇形紐扣瑳瑳如象牙其上端鑲以碧玉鮮麗奪目衫之前雖污縐而亦有瑩潔之紐扣三此美麗之物年少者飾之足以顯其斌媚然甚不合於老態龍鍾之守財虜非脫外衣及衫坐椅上任倍自頂至踵細細按摩時日噎噎其將暮室漸暗矣矇昧中見非胸膛有青印三圓大如一銀幣其頸亦如之倍凝視不語非欣然謂人曰此瑳瑳者乃少年倍爾麥所贈倍爾麥予之表弟也予前月壽辰渠以之爲禮予之生平知己莫渠若渠居雅典以多智諳聞常以物賚予予愧無以報也言時揚揚殊得意倍微笑仍不語尋檢驗其體腕



也。心也。肺也。血之循環。脈之動靜。靡不細察。後探懷中。閃光燈照其鼻與喉。使其作笑狀。吞狀。嘔狀。而細視其皮膜。聽其呼吸。驗其唾液。既畢。目葛曰。翁之唾液中。固含汞毒。毒甚烈。及早治之。縱不致死。恐成癩矣。吁……可憐……非聆倍言。容至慘沮。曰。葛害我。害我。葛曰。雖然。予用汞僅二釐。毒必不至此。予與翁無仇隙。又何必處翁死。可憐哉。翁……倍顧非曰。除葛外。曾延他醫否。汝誤吞毒物。否。非急搖其首曰。除葛外。實未延他人醫。予病初極輕。服藥後。加劇。葛奚辭其咎。倍不語。重檢非衫。細加視察。而紐扣。嗟。嗟。真覺可愛。

倍自言曰。此未毒。而彼亦未自毒。究誰毒者。非翁……汝三餐自備乎。曰。大半為罐頭食物。購自市上者。倍目葛曰。翁病確受汞毒。但用何法可醫。汝知之乎。葛遂舉數法。曰。然。反之。汝知何法可射汞毒於人體乎。曰。實未之知。倍曰。法以汞研為粉末。敷潰瘡上。或和蒸水而使之浴。或用汞藏皮袋中。和蛇齒。蛛絲等毒質。懸人頸袋。緊貼肉。汞得體熱。漸漸蒸發。自皮膚入內臟。則人殆矣。言次。取一雪茄。燃之。復取非衫。重加檢驗。忽呼葛曰。汝觀之。即摘一紐扣。置掌中。互相查察。倍又顧非曰。此物確翁之表弟所贈乎。曰。是。表弟倍爾麥。在紐扣廠任事。此紐乃親製而贈予者。曰。用此若干日。有星期三。非點首。倍發沉濁之聲曰。翁。表弟住雅典。乃雅典人乎。曰。是。倍歎曰。噫。受愚而不知彼非。加惠於翁。實欲有害於翁也。復笑顧葛曰。天佑汝。汝試一視翁之胸。

倍指尖削露骨。指非之胸。曰。可憐哉。圓形之青印。胸前三頸邊。三均為紐扣所印。此紐非金屬。亦非象牙。乃一種植物類。象牙者。倍探囊取削筆刀。置一紐扣於掌。而剖之。則形如明珠。滴滴下墜者。皆水銀也。急承以紙扣。盡剖而水銀竟多。至匙餘扣中。空殼甚薄。膏以羊皮紙。此紙最易傳熱。倍曰。雅典人素以吝嗇聞。決無無端以隆儀。貺而不求人報者。今竟藏毒汞於紐扣。貼肉傳體熱。使之蒸發。自皮膚而內臟。自內臟而骨髓。狡哉。倍爾麥。無怪翁之稱其多智。諳也。